

欽定四庫全書

子部

普濟方卷四百十五



南京中醫藥大學圖書館版權所有

詳校官太醫院吏目臣宋桂

編修臣倉聖脈覆勘

欽定四庫全書

普濟方卷四十四

灸門

論六十四

普濟方
明堂

周王朱橚撰


欽定四庫全書

普濟方

一

頭部中行十八穴

外神聰四穴
明堂一穴



神庭一穴在鼻直入髮際五分灸七壯止七七壯岐伯
曰凡欲療風勿令灸多緣風性輕多則傷宜灸七壯
止二七壯禁鍼鍼即發狂忌生冷鷄猪羊魚肉酒麪
動風等物 明堂經云舉火之時忌熟食不宜熱衣
亦云灸三壯 銅人經云在髮際直鼻上督脉入髮
際一寸灸二七壯至百壯治腫氣風癰癩風戴目上
不識人羊鳴吐舌角弓反張棄衣而走披髮而行或
歌或哭多學人言語驚悸不得安寢頭痛喘渴目

不可視目淚出鼻清涕不止 又云灸足太陽陽明

脉之會主頭風目眩

上星一穴在鼻直上入髮際一寸陷中

明堂云容豆是以細三

稜鍼刺之即宣洩諸陽熱氣無令上衝頭目可灸七

壯不宜多若頻灸之即拔氣上令目不明忌如前

甲乙經熱穴論注並刺三分 銅人經云在額顙上

直鼻中央入髮際一寸督脉氣所發治頭風面赤腫

皮虛腫鼻塞不聞香臭頭痛目眩赤瘡疾發寒熱病

汗不出目睛痛不能遠視 又云鍼入三分留十呼
瀉五吸鍼下氣盡更停鍼引之得氣即瀉灸亦得然
不及鍼日灸三壯至百五壯罷須停十餘日然後更
灸故不用相續加灸滿五十壯即以細三稜鍼刺頭
上以宣熱氣忌酒麪蕎麥

顙會一穴在上星後

明堂經云
上星上

一寸陷中可灸二七壯

至七七壯初灸即不痛病去即痛亦云灸五十壯痛
即罷灸鍼二分留三呼得氣即瀉若八歲以下不得

鍼緣顙門未合刺之不幸令人夭素問注云刺四分
銅人經云在上星後一寸陷中可容豆督脉氣所發
治目眩面腫鼻塞不聞香臭驚癇戴目上不識人若
是鼻塞灸至四日漸退七日頓愈頭風生白屑多睡
鍼之彌佳針訖以鹽末生麻油相和指髮根下頭風
即永愈忌熱麪猪魚蕎麥等物 明堂經云主頭皮
腫面赤

資生經王氏云予少刻苦年踰壯患腦冷或飲酒過多

則腦疼如破後因灸此穴非特腦不復冷他日酒醉
腦亦不疼矣凡腦疼冷者宜灸此

前頂一穴在顙會後寸半骨陷中亦云在顙會上甄權
云一寸今依素問寸半為定鍼一分灸三壯止七七
壯素問注云刺四分 銅人經云腎脉所發療頭風
熱痛目眩頭面赤腫小兒驚癇風癇癡發作無時
鼻多清涕頂疼痛 又云針入三分留七呼瀉五吸
大腫極即以三稜鍼刺之透四方一寸以下其頭疼

腫立差復以鹽末生麻油揩髮際下灸亦得忌如前
法 明堂經云在顙會後一寸直鼻中央陷者中治
頭皮腫

百會一穴一名三陽五會在前頂後一寸半頂中央旋
毛中可容至灸七壯止七七壯凡灸頭頂不得過七
壯緣頭頂皮薄灸不宜多針二分得氣即瀉素問注
云刺四分 銅人經云腎脉足太陽交會於頂上治
大人小兒脫肛久不差風癰青風心風中風角弓反

張羊鳴或多哭言語不擇發作無時發時即死盛即吐沫心煩驚悸健忘心神恍惚痰瀝耳鳴耳聾鼻塞不聞香臭 又云療頭風頭痛目眩多睡無心力吃食無味頭重飲酒面赤如灸數至百五即停三五日訖繞四畔以三稜鍼刺令出血以井花水淋之令氣宣通不得令向火灸恐拔氣上令人眼暗忌酒麪猪魚蕎麥蒜蘆薈等

資生經云唐秦鳴鶴鍼高宗頭風武后曰豈有至尊頭

上出血之理已而刺之微出血頭疼便立止后亟取
金帛賜之是刺此穴能治頭風明堂經中風言語蹇
澀半身不遂者灸七處亦先於百會北人始生子則
灸此穴蓋防他日驚風也 王氏云予舊患心氣偶
覩陰陽書有云人身有四穴最急應四百四病皆能
治之百會蓋其一也因灸此穴而心氣愈後閱灸經
此穴果主心煩驚悸健忘身無力自是間或灸之百
病皆主不特治此數病已也

一名天蒲

神聰四穴在百會四面各相去同身寸一寸理頭風目眩狂亂風癰左主如花右主如果鍼三分

明堂經有此穴而銅人無之其穴治頭風目眩狂亂風癰亦所不可廢者故附入於此

明堂一穴在鼻直上入髮際一寸理頭風多鼻涕鼻塞

三日一報針二分

銅人經云
針三分

按銅人明堂經諸家針灸經鼻直上入髮際一寸皆云上星穴明堂經於此復云明堂穴不知何所據且

附入於此所謂疑以傳疑也

今以諸經按勘上星穴

後頂一穴一名交衝在百會後寸半玉枕骨上陷者中

灸五壯鍼二分明堂經云四分 銅人經云鍼入四

分灸五壯主風眩目眊眊額顱上痛亦云鍼入三分

又云督脉氣所發治頸項惡風寒頭偏痛 明堂

經云灸三壯主目不明頭目眩重 西方子云主諸

陽之熱嘔吐癰疾

強間一穴一名大羽在後頂後寸半灸七壯針二分亦

云五壯 銅人經云督脉氣所發主頭如鍼刺不可
以動項如拔不可左右顧視 又云治腦旋目暈頭
痛不可忍煩心嘔吐涎沫發作無時項頂強 明堂
經云灸三壯 岐伯云兼治風癰病 西方子云主
癰疾癰發狂走不得卧

腦戶一穴一名合顱在枕骨上強間後一寸半禁鍼鍼
令人瘕可灸七壯亦可不妄灸令人天明堂經云灸
令人失音鍼三分 素問註云四分甲乙云不可灸

銅人經云一名仰風一名會顱是督脉足太陽之會
主目睛痛不能遠視面赤頭腫目黃又銅人經云禁
針素問明堂經云鍼入三分四分亦可疑矣何如不
鍼為穩 素問蓋云刺腦戶入腦立死故也

風府一穴一名舌本在項後髮際上一寸大筋内宛宛
中經言其肉立起立休立下禁灸使人失音鍼三分
銅人經云一名舌本督脉陽維之會治頭痛頸急
不得回顧目眩鼻衄咽喉痛狂走目妄視又主頭項

急不可傾側鼻不可息噤痛足不仁 明堂經云主暴
瘖不得言多悲恐驚悸欲自殺目反視 又云四分
留三呼又云舌緩針風府

資生經云岐伯對黃帝傷寒之問曰巨陽者諸陽之屬
也其脉連於風府諸穴為諸陽主氣也然則風府者
因傷寒所自起也北人皆以毛裏之南人怯弱者亦
以帛護其項俗謂三角是也王氏云予少怯弱春冬
須數次感風自用物護後無此患矣凡怯弱者須護